



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. XII. Quanto feruore se in Fratrum seruitio exercuerit.

urn:nbn:de:hbz:466:1-43032

CAPVT XII.

*Quanto feruore se in Fratrum seruitio
exercuerit.*

SACRAE Matris colloquijs & monitis adolescens docibilis confortatus, cœpit secum altiori tractare consilio, cuius in hoc seruitio formam videretur habere: & occurrit animo eius (sicut ipse nobis in gaudio spiritali narrare solebat) ille summus & humillimus suorum seruus feruorum, Dominus IESVS: qui vt se seruum ostenderet, seruitium suum & verbis pariter & exemplis ostendit. Et verbis quidem: Quis, inquit, maior est? qui ministrat, an qui recumbit? nōne qui recumbit? Ego autem in medio vestrum sum, sicut qui ministrat: Filius enim hominis venit non ministrari, sed ministrare. Docuit hæc verbis Christus Dominus; sed & humillimus hæc impleuit exemplis. In tan-

Luca 22.

Matth. 20.

Ioan. 13.

*Obseruent
hac quibus
ex officio
seruire
Fratribus
incumbit.*

tum enim se inclinavit Dominus Ma-
iestatis, vt seruorum suorum pedes la-
uaret, coram illis etiam corpore incli-
natus, & extegeret linteo, quo erat
præcinctus. Tanti Domini, seruiens
seruis suis, formam se gerere humilis
Frater noster, seruiens Fratribus suis,
semper in corde gerebat: ex quo tanta
se sensit alacritate portari; vt quoties-
cumque tale Fratribus seruitium ex-
hibebat, non se ire aut currere, sed po-
tius volitare putaret, nimiùm animi
leuitate in leuitatem corporis trans-
eunte. Magna distantia beati Fratris
huius à plerisque Fratribus: qui vel su-
perbia eriguntur, vel grauantur ace-
dia, ne in spiritalem lætitiã erigan-
tur, vel humiliter inclinentur; vt Deo
ministrent in Fratribus, & Fratribus
propter Deum. Discant * exemplo præ-
senti, non solum sine murmure, ve-
rùm etiam humiliter & alacriter Fra-
tribus ministerium exhibere: & di-
scant glorificare Deum, & Dominum

* An deest
hi?

I E-

IESVM, cuius ministrantis figuram
 in corde & corpore suo portant: vi-
 deantque nihilominus, quantam Mi-
 nister noster ex ministerio suo fuerit
 gratiam consecutus: nam Domini IESV
 (cuius se formam gerere recogno-
 uit & sensit) gratia * debriatus, & spiri-
 tuali satietate relictus, multo tempore
 famis & sitis corporalis detrimenta
 non sensit; ita ut ultra quam credi pos-
 sit, abstinentiam protelaret, pia fraude
 circumueniens Fratrem illum, cum
 quo in Refectorio pariter seruebat:
 inueniens quippe causas, propter quas
 vel ante vel post illum comederet; illo
 ignorante, simplicis panis & aquæ,
 quasi consuetudinaria fuit refectione
 contentus. Mira gratia! ut propter abs-
 tinentiam diuturnam, nec in corpo-
 rali labore deficeret, nec tanto tempo-
 re acceptæ diuinitus perderet gratiæ
 suauitatem.

* Inebria-
 tus habet.
 Surius.

Nota mirã
 abstinentiã

C 4

C A-